





國名記

卷戊

宋廬陵羅

泌纂

男

莘註

明廣陵喬可傳校

周氏

虢郭

仲之封為西虢在岐今鳳翔虢縣

通典云岐州虢

縣西虢也東遷之際自此之上陽為南虢矣

或云

叔自此之上陽妄其處者為小虢秦滅之

秦武公十一年

魯莊七年亦俱曰郭

公羊曰虞郭郭究碑言郭叔禮記注虢或為郭在武

都南百里有虢城集韻引傳攻郭音虢



東號

叔之封制也今鄭之滎陽有號亭

世紀以成臯為

東號叔之封故通典以洛之汜水為東號國即制邑左傳云制巖邑也號叔死焉制

今在孟孟之汜水漢之成臯臺冢在焉

水經濟水南歷號公臺皇覽云基址

及冢尚或在或云仲封者非

左疏亦云東號制也賈逵虞翻等謂叔為

西號仲為東號誤

南號

上陽是

上陽城在陝縣之硤石鎮西三十里常陽驛之東南下陽即今同

之下陽服氏亦云在此下夏字通杜謂河東大陽亦非馬融云叔封上陽仲封下陽

疏謂二地皆號邑不今號之號略正曰南

號以其仲後所都故亦號西

九域志周封號仲非世紀

三號仲為西號不在此春秋公子譜上陽號叔之後亦非

北號

男爵今陝理西四十五里故號城是

漢志弘農

陝故號世一以州治城為即古號國是為大陽

漢志北號在大陽東號在

滎陽西號在離今按陝平陸皆漢之大陽地天寶元年守李齊物開曹得古鏹有平

陸字改焉佑以此為仲邑仲後也

盧氏

地道記郡國志皆云西號之別詳商世侯

國

夏陽

序之封晉滅之

僖二年

今陝之平陸

見歐忒廣記

漢夏陽城又在韓城東北三十

馭

康公邑在緱氏

杜云緱氏西北舊有馭亭緱氏

西寧入偃師或

云魯地非也

襄公十五年盟于馭地不在周

世作劉繆故



說文惟有鐺然古亦無之詳字經

岑

渠之封文王異弟之子今梁國北岑亭風俗通云

古岑子國

右王季之穆

齊桓公游於郊見亡國之城焉訪諸野老郭氏之虛也公曰曷其虛對曰善善惡惡公曰善善惡惡固政之媿也奚而虛曰惟善善而不用惡惡而不去也公歸告管仲仲曰若人者為誰惟弗知也

曰然則君亦一郭矣公退招野老而進之故春秋書郭亡猶梁亡者言其所取亡也夫亡國之亡也未嘗不以其取亡者也今郭之亡所善不善而所惡不惡也所善不善則無貴於知善所惡不惡則無貴於知惡矣奚其在始郭君之出也徑諸澤語馭者渴馭者進清酒語飢欲食馭者進梁肉脯糗君曰何給對曰臣昔儲之為君之將出亡道飢渴也曰然則若知吾且亡乎曰然然則孰不告



對曰君喜道諛而難至言誠恐先君之  
亡也君怒馭者辭焉曰今天下之君無  
賢而吾君以獨賢夫賢此其所以不之  
存而之亡郭君於是伏軾而詰曰賢固  
若是難邪舍車踏山中居飢力解枕馭  
者而寐馭者易之凶疎行而亡之郭君  
餒死中野詩云聽言則對誦言如醉郭  
君之謂也

惠王七年詩外傳云爲狼所食

齊潛居衛謂

公王丹曰吾之所以亡何也公王丹曰  
主之所以亡賢也天下之主不肖而惡  
主之賢也潛慨然曰賢固若是苦邪此  
亦不知其所以亡而亡者公王丹之所  
過也 若宋昭之出也俯謂馭者吾今  
知所亡矣被服而立侍者無不曰吾君  
麗者發言舉事朝者無不曰吾君聖者  
內外不見其過茲吾所以至於此也宋  
公於是革心易行安幾行道居二載宋  
人逆而復之死謚曰昭故君子莫大乎

自克

吳語曰楚靈無道其民不忍飢勞之殃三軍叛之乾溪屏營山中見

滄人疇而呼之曰余不食三日矣疇進枕之股及寐易之以塊去之比覺無見



入棘闈弗納乃入于申  
亥氏縊焉此事相似  
余稽四號先後

南北知郭公之非是而代莫之明也故

并及按此郭乃莊二十四年之所書者  
賈誼書作號君亦曰郭新序乃北

燕之地寰宇記云聊城今有郭城博州  
圖經云亡國郭氏之虛是也管子亦言

桓公之郭問郭父老何以亡春秋地名  
云號北燕之地與齊接境與四號不相

及諸家皆不知郭公繆文

魯

鹵也曲阜少昊之虛曲阜小地名在魯  
城中委蛇七八里古

城十二門魯國記七門有鹿萊  
石稷上東子駒等大中祥符

間曰仙源隸交

管

今鄭治管城古中牟自漢為  
中牟開皇管州六

年即楚子  
次于管者大業三為鄭武德三復為管  
貞觀元復為鄭

蔡

今蔡治上蔡漢縣  
迄今伯爵仲子  
蔡伯括地圖云豫

州北七十里上蔡古蔡國縣西南十里有

故蔡城蔡山岡故國也

轉

侯爵穆傳邢侯轉侯來弔絀為伯毛駟  
霍皆伯祝駟言文王子惟轉為伯左

穆傳不呈德刻  
左傳豈云哀

與仁之濟陰漢之定陶東北四十七濟

陰界有定陶故城即古轉國南二十有轉

城有轉南山周為轉州今興  
仁府

成

邠是也伯爵濮之雷澤北三十故城是漢

屬濟北晉屬東平隱五年衛入成杜云東  
平剛父西南成鄉後漢



志濟北成縣本國劉昭引為証然濟北乃和帝分泰山郡置有剛縣晉為東平國之剛父無後遷其陽曰成陽漢隸濟陰京相璠云東即廩丘

南故邲都故寰宇記雷澤古邲伯姬姓國縣北有邲都故城誤也按漢止有城都屬山陽非此之邲與與周成十三年成乃周地層公圍邲魯

邑蘇之邲異隰邲蘇忿生邑在河內

霍 伯爵僭也始亦侯穆天子傳霍侯薨今晉之霍邑

有霍泰山霍水郭璞云平陽永安西南汾

水之西有霍城非六安之霍壽之六安霍山天監貞觀

為霍州

衛 侯爵故朝歌本衛州衛縣周為州隨為縣熙寧

六年省為鎮入黎陽天聖四年以衛隸通利軍熙寧三年廢

復隸衛州六年省為鎮餘詳商後朝歌下

毛 伯爵原父得毛伯敦蓋於扶風文稱伯河南籍水傍有毛

泉近上邽

駟 伯爵附也邲同邲本作肉駟龍字亦音染京兆今有附

亭世謬為聃僖二年鬪章囚鄭聃伯又異集韻聃那丹同音男益失

岢 子爵僖二十一年來朝邽也今登封有廢邽城是為

南邽與晉邽異太原今有邽城所謂箕邽者

雒 伯爵今懷之修武有故雒城范志云山陽

有雒城杜云雍城在河內山陽西周罍有雒公緘鼎非



秦之雒岐之雒縣今鳳翔之天興墮倉城秦之都

侯爵僖十九年滕子在貶本徐屬縣詳黃帝後國後遷公

丘而地為小邾故宛之龔丘有古滕城今滕縣西南十四里城在

字一從水亦作滕

周世居秦王王季皆都今京兆咸陽有畢原畢陌

關中記云高陵北有畢原畢陌南北數十里東西二三百里無山川陂池井深五十丈

詹栢伯曰我自夏以魏駘芮岐畢吾西

土也畢芮岐魏自晉為周邑矣 原畢皆

三公

原 伯爵今澤之沁水縣西北有故原城晉伐原者

後趙同為原大夫即此或云忿生邑或云濟源水經云濟有二源東源出原城即晉伐者今孟州濟源西北九里有古原城

豐 侯爵初文王作邑以治南國今永興鄠北

二十豐水之西有豐故城竇莘云在長安

縣之靈臺鄉通典鄉在長安西北

荀 侯爵詩云荀伯謂諸侯伯 珣 郇也今猗氏西南古郇

城是佑云猗氏古珣國元和志西南四里絳之正平西十五

竹紀年次于郇者徐鉉云荀姓郇侯後宜用郇字不嫌本同鄧名

世云今河東多此姓不作荀音或云邠之三水枸邑非也

晉伐荀以賜原氏則河東矣汾水所經荀



城也

應以枸爲伐  
晉之郇侯誤

### 右文王之昭

唐虞稽古列爵爲五分土惟三公侯百  
里伯七十里子男五十里繇夏達商未  
之有改至于武王雖曰反商政則繇舊  
故班志云周爵五等其土三等弗可改  
也孟軻曰天子之制地方千里不千  
里不足以待諸侯公侯百里不百里不  
足守宗廟之典籍子惠子云天子封圻  
千里公侯百里伯七十里子男五十里  
虞夏殷周之常制也而子產亦謂天子  
一圻列國一同自是以衰古之言封建  
無以異者王制之書州建之國亦不過  
乎五十若七十與百里正有合於子思  
孟子先王之制斷可識矣獨周禮書諸  
公之地方五百里侯伯子男率百里而  
差之果周制乎夫以男國百里食四之  
一爲五十里餘爲所比之封附庸國也  
然子伯侯公地乃大異諸公之地乃至



二千五百縱食其半猶當千二百有五  
 十如千二百五十則以多如五十則以  
 少其果然邪顧魯侯也而百伯之地豈  
 治世法哉 粵自周衰上失其御諸侯  
 無政謾相侵併而後土宇逾越燕越之  
 壇埽于王圻而齊耒耜所刺方二千有  
 餘里秦地為方千里者五郢楚且以六  
 千而為人役故子產曰今之大國兼數  
 圻矣此諸侯所以惡其議已而圯其籍  
 又從而羈之制曰上公之地方五百里

且謂成王以周公為有勲勞故特加之

四等之上使兼二十四附庸者益以罔

矣職方封國以千里為率一州惟可四  
 公為侯可六以伯則可七一有半為

子亦止二十有五惟男百里則可百男  
 不過百四十有六國而五州盡矣故康

成以為周之九州方七千里為方千里  
 者四十九一為王圻八州各為千里者

六州建四公六侯十一伯二十五子百  
 男餘方百里者四十一以為附庸凡州

百四十有六國附庸皆在然王制州二  
 百一十國諸侯之附庸不與舛繆不合

則又以為商爵三等周初復為五等增  
 以子男夫武王之時何國不服而云尚

隘公侯止於百里周公東征備見書傳  
 作何所併而云圻地千里五等皆益其

地且以大國在古百里今一增為五百  
 是遽增之二十四倍豈理也耶若曰武



王封之周公大之則其勢必至於併徙  
 是則纔大一公之封而子男之國為併  
 徙者百九十有六不數大國而天下以  
 盡擾雖十始皇不能為矣而曰設法以  
 待侯伯有功者大其封果足信歟說益  
 不通則又以為周制有爵尊而國小爵  
 卑而國大者然而圻內有限不可附會  
 則又以為圻內不增以祿羣臣俱不足  
 信夫太公之封齊周公之封魯地非不  
 足也而儉於百里此孟子為魯人言者  
 於百里猶曰儉則周公太公何嘗越百  
 里哉今魯為方百里者四十九有王者  
 作則果在損乎在所益乎徒取諸彼以  
 與此然且仁者不為况殺人而求之乎

形方民制邦國正其封壇無有華離之  
 地正使小國事大大國比小是先王之  
 意也公侯伯子誠使咸依司徒之數則  
 職方所率千里惟可四公罄禹所正八  
 州不過三十二公侯伯以降已不容厝  
 設以盡為男邦亦不能八百國王制之  
 千八百豈三千所容哉說者以周九州  
方七千里州得  
 千里者六以千里封四公又以千里封  
 六侯又以千里封十一伯一千里為二  
 十五子一千里為百男凡百四十有六  
 國不及二百一十之數猶一千里取之  
 以封五十九男六侯之方餘二百里以  
 封四男十一伯之方餘一方以封一男



凡六十有四男合一百四十六為二百  
有一十儒之無特見至此且魯方七  
百里為公侯地百里者四十九為伯  
地七十里者百云十伯之地尤疎

臧

鄆

秦

柳

乾時之戰有秦子 莊公所臺處三十一

展禽邑地理風俗記高城縣東北五十有

柳亭故縣世謂辟亭

成

郕

相六年城預云秦山鉅平東南

厚也厚成鄆之須城東三十六有郕城郕

亭鄆氏云缺其南面叔孫所隳也

費

鄆也僖公以鄆賜季友季利涉編古命氏

費今沂之費西北二十有故城臨沂東一

作柴古文書柴讐或作柴非河南費

顏

郎

魚臺

預云高平方輿東南郁郎城方輿今單之

防

臧氏邑魯東圖昭公五年莒牟夷以來防以

瑕丘二

來茲即齊魯會處今密之安丘有莒城莒亭

各史

國名記

七

季和何季  
據釋作季



陽蓋名孟康以為瑕丘人姓申名  
陽姓纂自為一姓因文潁之說  
今交治

瑕丘瑕丘在其西南與衛之瑕丘別  
衛瑕丘在

今璞陽東南三十  
四邾子負瑕也

穀梁 鄆氏云博陵有穀梁城

陰 下陰 襄之穀城東北有陰城師古云古陰國乃

故鄆地又有下陰在陰城之西後之所遷

昭十九年公子赤遷陰于下陰 今光化乾德 漢陰縣隋陰城

穀

新蔡 平侯都今蔡之屬 志云平侯自 或云黃梅

開皇新蔡今黃梅有石蔡  
山出大龜在廣濟並斷

州來 昭侯徙此號下蔡今壽治唐屬潁 春秋時有蔡成

公輿地記成公徙此 樂史云下蔡有二處水經淮水

東岸一城即下蔡新城二城對據是也

卞 季武子以自封者今交之泗水開皇中以

故卞城置 十六年

牟 登之牟平在牟山陽而夷平開皇之牟州

二三年

康 姓書康叔故城在潁川孔安國宋衷以為

畿內國

漕 本曰曹戴公居 宋桓公立 泉水載馳皆言



衛地今滑之白馬衛之下邑

西在記今白馬城古衛之

曹邑戴公東渡河處此文公遷楚丘今衛南縣成公遷帝狂今濮陽

楚丘

郡國志成武有楚丘亭

城冢記齊桓公築衛文公居僖二年

所城杜云在成武西南

今澶之衛南西北四里楚丘

城也非拱之楚丘

今楚丘縣戎州之邑即戎伐凡伯處鄆氏以為

文公徙此寰宇記北三十有楚丘亭非也曹在滑楚丘在澶不出衛之邦內不得在拱然今楚丘縣有景山京山殆後人之附會也九域志南京有楚丘晉文公作

石

碛邑周有石尚姓書云王父字為氏非

斤

文八年晉解揚歸斤戚之田于衛者

儀

仇也柳莊采裘氏地

裘

戚

戚也衛附庸

在河上文元年注相之臨河東有戚城

世家以

為宿

如宿舍于宿左皆作戚

河流北過元城而戚在

河外故陽虎從晉伐戚曰右河而南必至

焉

襄二十六年晉伐衛取戚

今在衛縣之南

預云戚頓丘衛縣西

今戚城在枯河之東春秋之時河與晉異由晉而言河西為內東為外故云戚在河內春秋時在河東也集韻並音鏃

元

咺邑今大名之元城應云魏武侯公子元

邑



寧

陽處父聘衛過寧者一作寧今拱之寧陵  
古信陵故魏安僖封弟於信陵號寧陵君  
然寧城在獲嘉而武陟亦故寧

沈

肉叔初封預云平輿有沈亭平輿城在今  
蔡之汝陽東汝水南通典云古沈子國

北部

宋併之相二年取告鼎今曹之考城東南有北部  
城鄭樵云南北二部城在單之成武

鏞

滕叔初采今沛之公且

潘番

魏王地記云下洛城西南四十潘城是畢分  
十三州志潘在廣平城東北十里

龐

畢之分龐鄉越世家所謂雙龐長沙者

馮

唐韻鄴姬姓國本說今范陽李澤中有馮

水即古馮池故馮夷國

魏

在安邑芮近寰宇記芮城北五有魏樵云城即萬所封周八里

河中河西縣河西熙寧三省入河東縣

大梁

魏惠六年自安邑徙大梁遂曰梁孟子見梁惠者

今開封祥符昔之浚儀而汴城西有故魏

城魏惠所築九域志古梁城畢公高築謬張儀所謂四

平無名山大川之阻者東魏為梁州

令狐

魏顆邑晉惠公濟河圖令狐者倍二今猗十四

各史

國名紀

十四



氏西十五有故令狐城

智

懷

寰宇記懷州云管蔡廢紂封康叔為懷侯  
于此即為衛後遷河內晉於是啟南陽狄  
伐晉圍懷者覃懷也宣紀年秦伐鄭圍懷  
殷或云隕懷忿生之邑今懷之武陟西有  
故懷城

恒

康叔孫封楚有恒思公世本云後有恒氏

右文昭之分

周監二代封爵五列子弟勲賢必參封  
之秦除五等設爵二十身稱皇帝而子  
弟為匹夫徹侯關內一至無廟可立二  
世國絕 漢祖龍興創其孤立奮然封

建然而襲秦戰國先王綱紀掃地之後  
莫究其事忽忽啓土設爵二等大王小  
侯張耳吳芮韓信彭越臧荼黥布韓信  
盧縮異姓之王者八蓋時求安反仄不  
得不爾而王之號遂為臣下常稱二年

太尉信為韓王四年遣高帝之約異姓  
良操印立韓信為齊王



非功不王至吕后遂破約王台祿產自  
茲不改洎 建武初尚襲二等皇子為

王而其餘以列侯及是朱佑峙議天無  
二日人臣之爵無過于公於是正為郡

公年十五已復稱之識者蚩焉年十七曹氏

始列郡王 晉且封國皇子稱王而王

之子為侯太始元年子弟王者二十餘人宋齊以降爰

復列郡陳室即有郡嗣藩之三等逮乎

元魏王公侯子分爵為四皇子若元功

異姓稱王皇族若始藩為公王大郡公

小郡于是王者七十旋為六等北齊因

之大氏於晉宋若梁靡異 開皇國郡

王分等九煬帝謾以王公侯為三等

李唐之起務廣宗藩自從昆弟郡王數

十孩提並列及文皇暨封彛說踈悉降

公時惟數有功王而止 貞觀之十一

年即詔前元景等二十一王督刺代襲

後復制皇兄弟若皇子為王皆國親王

太子男為郡王庶姓卿士功業特盛亦

得郡王繇是異姓畢王侵尋戰國五季



之士至德之元迄大歷三異姓王者至  
 百一十有二不亦異乎比後之世更以  
 王子兼師保官果何為耶 夫以此號  
 既立既久而不可易耶則世祖固嘗改  
 文皇固嘗降矣以吾之子弟非王其號  
 不足以貴之重之耶則文武成康之親  
 子弟管蔡成霍孟晉之徒止於侯伯一  
 適之外其子不過守其故土或食卿采  
 公且無有未始不貴且重漢魏而下蠻  
 酋泠伯王稱且不勝計其果重乎南粵

尉陀若閩尉粵亡諸四夷酋長固不得

同中國如呼韓賜之璽綬南粵元鼎即

自置賜然漢王子曰諸侯王徒以名王

而其實則諸侯言之不順而有此目則

名浮之無益辨矣聖人復起果將奚先

亦惟名之必可言而已季札許國胡翼

之王號難乎革也革而不用則左右國  
 人習於僭擬之久有所不順因而革  
 則非季子之心自度有不足以辨此故  
 辭之以全操使有伊周材具則不辭而  
 為之矣水惟就下人惟從是安  
 有習於僭擬之久而不順者



晉

故唐都鄂夏虛也

世本云叔虞居鄂鄂今大夏故云唐本堯封在

夏虛

後曰晉以水名

今并之陽曲故平

韓

同之韓城南十八有故韓城韓原也

秦晉戰處

古今地名曰韓武子食萊韓原

一曰宗丘與臨晉近謂之

少梁

于

邗也今懷治河內故邗縣有邗臺邗城

京相

云河內野王西北三十有古邗城邗亭邗臺水經云故邗國一云邗氏邑在陽曲東七十即為邗者周或以與鄭後圖晉或作邗誤表淑俳諧文邗魯儀作邗晉

雁

今作應

古應侯

侯爵

韓詩應侯范睢增世為應侯請五苑果後

盟會圖云汝之魯山有故應城今在葉

隸汝

有應鄉

翟

孝伯封狄城也續志臨濟本狄國唐韻云

春秋時狄國也

寒

侯爵定公三年有寒氏晉地一曰五氏南

宮中鼎云王在寒師即此字書鄴

以爲鄴

右武王之穆

武之穆四唐為長後曰晉次栢叔韓是



也邗三雁四而狄寒亦其別者富辰曰邗晉雁韓吾知其說無推次也 惡戲聖人之經畫大略爲世長慮豈後世腐爛之儒苟目前者之所知耶昔者周公弔二叔之不咸於是封文之昭武之穆者二十有餘國二叔不咸周公宜戒同姓疆大之禍而弱宗國矣乃復大封同姓焉此可與腐儒苟目前者言與先漢孝武懲七國疆大之禍於是務削宗支建元成時宗國蔑矣而移漢者王家也孰爲來哉孰爲來哉凡四國之分封者今復條于下方

曲沃

成侯之居以封栢叔故地有晉先君之廟獻公城之居申生曰新城漢爲曲沃今隸絳潘岳云陝之曲沃是也

絳

穆侯居見詩譜莊公二十六年士爲城之二漢爲縣今隸

絳有絳山絳水有故絳城在翼城東南曲

沃南二里元和志周勃邑今號絳邑故城景公遷新田又

曰絳乃以翼爲故絳云後魏北絳縣在翼城南絳在絳



翼

孝侯居因曰翼侯蓋與絳近今翼城東十五有翼故城絳邑之東八十隱五年伐翼者集韻云國名云卽絳改非

鄂

翼九宗嘉父逆晉侯于隨納之鄂曰鄂侯晉地隱六

端氏

澤之屬縣西北三十有端氏故城

郤

叔虎邑俗作郤

絳

郟也預云野王西南有絳城今在懷之河

內隱十一年王以絳租攢茅等十二邑與鄭易鄆劉薦郟田後復歸周以賜晉文公故又

畜

備鄙也邢侯邑曲沃南二里有故鄙城子奔晉與之鄙者姓書有畜氏鄙氏云因非子畜養妾

涉

涉佗邑漢之涉今隸潞

苦

苦成也王符云郟肇采于苦曰苦成故城在鹽池東北後或爲枯齊人改曰車成又

古城縲

冀

芮城西三里有郤芮墓芮死文公命缺下軍大夫復與之冀今晉之冀氏芮故邑

張

晉分漢張縣今邢之任是郡縣志縣西南二十七卽濟陽

各史

國名紀

二



城王符云河東解邑有張城西張城呂春秋云

魏之分非

解唐叔後今河中臨晉東南故解城在桑泉

之南虞鄉東三十城猶屬解僖十五解梁以賂秦者非昭二十二

解後魏為二南解虞鄉北解臨晉以蚩尤體解名集韻

音蟹

揚一曰揚氏寰宇記趙氏之寧晉春秋揚氏

說文揚舉也二漢揚縣今晉之洪洞南十八有

故揚城地道記揚侯國云晉滅賜盼郡縣志同

續狐鞠居采謂之續簡伯

溫叔虞後封在河內狄滅之僖十年溫子奔衛襄王

以賜晉卻至采焉曰溫季狄臻陽處父亦米此

太原祁縣有祁奚墓寰宇記在聞喜東二十二里

介

卻步揚邑玉篇作邾云亭名

孟孟內孟大夫祁氏漢縣隸太原唐邢今陽

曲東北八十故孟城劉子伐孟定八續非志云國

衛東孟也定十四年蒯聩獻齊若宋孟僖十一公作霍穀

作雩一作宇

駒郤克采鄧名世姓辨誤與子錡皆謂駒伯上



原

先穀封曰原穀後封苑

苑

霍

汝之梁縣西南七十霍陽山漢為霍陽縣  
有霍故城一夕之期襲梁及霍在是哀四周地

箕

箕鄭采晉語鄭為箕大夫

樂

賓邑靖侯孫真定樂城漢為平棘開皇樂州

年十六今趙之平棘西北十六有故樂城柏近

鎮及國夏取樂遂南徙曰南樂漢南繼故

城在鉅鹿邢州

屈

夷邑采麗姬曰蒲屈君之壘也今隰州有

故屈城南屈也翟章救鄭次南屈者汲古文

北屈見後古國中

雙

臨汾有雙氏亭樂史云卻雙采非魯山之

雙楚有中雙昭元年雙乃南陽之雙本鄭地入楚漢雙縣今汝之魯山南十九有

古雙城

荀

逝遨采本鄭地重耳軍盧柳濕次于郇者

晉語狐偃盟于郇韋云鄭地非河東郇

銅鞮

羊舌邑漢縣今隸威勝本屬路太平有

銅鞮山銅鞮水南十五銅鞮故城宮址存

焉子產云銅鞮之宮數里南六十有銅鞮伯華墓



揚干

戎氏

栢

唐叔後在狄者有大戎氏小戎氏

按栢叔封韓蓋初封栢竹紀年有栢侯非謚也漢梁孝子明封栢邑侯是也

韓西

王肅云涿郡方城縣有韓城是

趙蘭

漢西河屬縣

平

代之雁門故平縣東漢之平城紀在晉烈

公四年趙城平邑今魏之南樂縣圖云平邑在縣城東界

右武穆之分

虞虢焦滑霍揚韓魏姬姓也八國皆為晉所威昔者晉假道於虞以伐虢宮之奇曰秦伯虞仲泰王之昭也虢仲虢叔王季之穆也為文王卿士勛在王室

臧在盟府將虢是滅何愛於虞

且虞能親於栢莊乎栢莊之族何罪而且害之晉可謂不仁矣 方文公威曹

也以其地賜宋人文公有疾曹伯之寺儒胥筮之史佚誨之以曹為解曰晉齊



桓公爲會而封異姓今君爲會而戚同  
姓曹叔振鐸文之昭也先君唐叔武之  
穆也而君滅之能無及此乎且合諸侯  
而滅兄弟非禮也公悅復曹伯及霍之  
戚霍公求奔於齊晉國大旱卜之霍泰  
山之爲也使趙夙召霍公而復之

晏子誕語

齊景公之伐宋過泰山夢二丈夫怒甚  
爨晏子曰湯伊尹也語其狀信公曰何  
如對曰夫湯太甲武丁祖乙天下之盛  
君也不可以無後今惟宋矣而君伐之

請散師而平之公不從再舍鼓毀將殪

公辭乎晏子乃散師

晏子

商頌曰不僭

不濫不敢怠皇命于下國封建厥福此

湯之所以獲天福也

襄二十六年  
聲子云

虞虢之

戚惜乎無以三者之事沃晉侯者

晉戚  
魏耿

霍皆不見  
經當訂

卷戊下

凡二

邠伯爵衛之共城西南二十二凡故城也

杜云共縣東南有凡城表山松云西南郡  
國志共有汎亭詩凡伯國隱十年戎伐凡



伯又臨胸東陽城亦曰凡而益都有凡山  
青並隸

### 蔣

初伯後侯班志云汝南期思里蔣鄉古蔣  
國楚威為期思今尉氏西五十故蔣城是

新鄭界杜云在弋陽期思  
期思故城在固始西七十

### 邢

侯爵邢治龍岡城內西南隅小城也秦之  
信都莽之襄國隨為州

漢項作為邢侯穆  
傳邢侯注廣平襄

邑應形刑從井說文戶經切乃作邢故字  
書妄以邢為井而邢邢為二

玉篇邢輕干  
切韻邢在河  
內邢在鄭  
邢侯國

### 夷儀

范志東郡聊城有夷儀聚瓚云夷儀城在  
襄國西百邵云邢侯自襄國徙此曰邢丘

通典龍岡北百四十有夷儀城西百五十  
七有夷儀嶺元和志龍岡西四十有故城  
俗呼隨宜有

邢夫人冢在河之臯曰平臯有平臯城

狄國邢丘晉送女邢丘者  
紀年梁惠成三城邢丘彪後志云縣有

邢丘故邢國周公子封非也平臯邢丘非

始國也

### 祭

伯爵商代國後為周圻內  
穆傳正公鄆父城在開封長垣今

樵云在河南甄  
傳云寰內諸侯  
說文鄆  
周公後管城東北十五有古祭城也



胙

今滑之胙城燕併之故曰南燕

後漢燕縣屬東郡本

南燕國有胙城古胙國杜云城在西南本屬酸棗有胙亭然晉元東郡

武德

胙州

二年

茅

殖綽伐茅氏也

襄二

戚之東鄙本衛邑茅

盈系云姬胄之分漢有東茅侯預云高平

昌邑西有茅鄉城今金鄉

西北四十二里有昌邑故城

非

修武之茅

訾

有二西訾在濰

詳見前

東訾在鞏西有故城

屬周單子取之

昭二十三

年取訾姓苑云此本出

祭氏

周

交

盟會圖云交國周公後所封疑即魯之謂

右周公之祚本亦文之昭第國多故別

出亦以別其祖禰之所自出云

伯邑考亡管叔

誅周公為禰也

惡戲人之可痛未有如族姓之不睦者

也雖有兄弟不如友生豈惟後世之愚

然哉晉文公之出亡也歷者七國齊桓

女之楚成享之宋襄公贈之馬而秦穆



公葉送之卒以得國此四國者皆異姓也而能維之若此衛成公曹共公鄭文公皆同姓也而皆不禮焉是所謂不如我同姓邪昔者晏子患齊之公室卑子華子曰云云詩亦有云不如我同姓何以是踴踴臨于人上將卑是取何懼而不獲兄弟之不協焉能協諸侯之不

睦邢與衛同姓之國也狄伐邢莊三十二年

齊救之閔元暨遷夷儀乃從而為之城並僖元

並僖元狄入衛閔二則為之城楚丘僖二二年

國者俱齊侯所存之亡國其患難正相

同也齊桓卒十七年明年而宋衛遂伐齊

狄救之故邢與狄冬伐衛又明年衛伐

邢二十有五年遂滅邢一書狄救齊有

以見諸侯之罪再書狄伐衛于有以見

救齊之美也方狄人之迫黎侯黎侯寓

衛衛不能修其職及戎之伐凡伯衛且

不救致王臣之無援逮為狄滅齊復為

之城以居之衛人忘亡可謂飲其德矣

今也卒再朔則遽起而伐之況王在難



而乃稱兵威人之國絕先祖之支體無人類矣故聖人書曰衛侯燬威邢夫春

秋國君未有生名之者今日燬蓋甚責

其無人類也禮云諸侯不生名失地名威同姓名此以一節而測

經者其說未然書稱呂伋君奭詩言召虎生名也楚子威夔蔡威沈晉威下陽

虞競威同姓也衛侯奔楚邾伯狹奔失地也而皆不名采地之大夫附庸之君

未爵命于天子則不盈乎君道不盈乎君道而猶異乎列臣故平居則字有所

降則名諸侯之大夫平居則族而名之有所降則舍族惟天子尹宰與公之孤

特貴故又以官加之異列臣也姓有同異其所以威之貪土地利人民上絕王

命下絕人紀其惡一也楚子虔誘殺蔡侯豈同姓哉杜諤黎錡更以燬字為因

下文燬卒而誤增之不知文宣之前威國皆人無稱爵者此將名之不可曰衛

人燬故特加爵王如楚子虔者豈二爵亦誤耶胡以名為當不名為變陋矣

翟

侯爵成王次子云翟今洛陽城中太倉西

南池也世紀景王葬翟泉在今東陽門內

大街北太倉中北眺翟泉戴延之云太子

宮東今無水

彤

伯爵成王子唐韻作彤云成支庶

單

成王子單子國單襄單伯子也今單之單

父非魯之單伯身名單伯當後左傳

鄭

伯爵厲王子初采咸林載言作械林國語元和志通典寰宇



記皆作咸襄六年檇林許地今華陰鄭縣西北三里古

鄭城縣道記云古城連接今州城天保中

於西南九里故鄭城開皇三又移里州北故鄭城屬京兆蓋未為國國語

桓公采地咸林乃初縣在鄭者秦武公十一年班志宣王弟桓公封

劭云母弟友所封子與平王東遷更稱新

鄭瓚云穆王以下都西鄭不得以封桓公

公為周司徒王室將亂謀於史伯寄孥賄

於虢郟間幽王敗一年威郟四年威虢居

於鄭父之丘是以為鄭桓公無封京兆之

文師古亦非之蓋是采於彼今因其各以

來此非至此始有鄭名京兆畿內自不妨

於王都晉鄭焉依謂武公文侯爾固不為

新鄭鄭新幽王敗武公徙河南併虢郟十邑居之曰

新鄭故莊公曰吾先君新邑於此若新豐

者今鄭之新鄭祝庸之虛

今興元耆舊傳云桓公死於犬戎其民南

奔漢中為南鄭

鄭別都厲公居後屬楚王隱云翟也今許

之陽翟莊公城櫟寘子元

制此制號東虢也本滎陽隱元而此制虎牢

乃成皐年五今孟之汜水有制氏成十六制田鄭地滎

陽制澤今宛陵東

共叔邑杜云汲縣非

南鄭

櫟

制

共

各史

國名記

二七



京

太叔封所謂京索鄭詩叔出于京者今榮陽東南二十有故京城故京漢後齊廢

成

楊

侯也宣王子幽王封之曰楊侯其地平陽楊氏縣漢之河東楊縣也

陸

宣王支子陸氏譜云封陸鄉為陸侯

謝

宣王支子是為謝丘盟會圖云謝城充之龔丘與姜任二謝異

縱

平王子精封英賢錄云因為精縱氏

梁

平王子唐封南梁也今汝治梁縣有梁山

梁故城在承休西南四十

哀四年梁云河南梁縣縣道紀

云梁縣西南十五古梁國城十三州志云周南鄙邑

國事云南梁楚

襲之安定梁氏出此

周

平王子秀封在汝川秦威之為汝南郡光

武封姬常為周承休公居麻城今在汝之

梁縣

甘

惠王子叔帶封即昭公生成公成公生簡

公及悼公過酈元云河南城西二十五有

故甘城俗曰鑿城在甘水東十里

洛陽南北對河

南故城佑云城在潁之潁上



陽樊

景王後河陽濟源東南三十八皮子城是

即皮氏城水經淇  
逕陽城即樊氏邑

無終

葡之玉田故無終縣萬歲通天  
二為玉田陽氏譜云

春秋之末爰宅無終仙傳拾遺陽翁伯適  
北燕葬父母無終山

有天祚玉田事亦見千寶記范通燕  
書云後有離於無終山獲玉是也

鄆

敬王子或作甄非劉子盟處周地與元和

志云濮州理故鄆城中栢所封曹植為鄆

侯者

汜

襄王居鄭邑捨地象云汜城在許之襄城

南韻云國云言凡有汜水在濟陰

皇

王猛居鄆也今鞏西南有皇亭記多作黃  
非京相云

訾城北二里有黃亭黃  
陌黃水訾城今隸鞏

陽人

中山

東周封釋地云鮮虞地中山國治盧奴佑

云常山靈壽中山國有故城在西北靈壽  
今隸

真張曜中山記云郡謂中人城城中有山

故號中山其山仄而欽上若委粟漢中山

靖始移郡出山居盧奴隋經云中山城在

今唐昌東北三十中山故城是中山故宮

在安喜鈎臺戲馬



膚施

今隸延安卽漢之靈壽

世本中山武公居顧桓公徙靈壽

右周氏世封可見者

公侯百里伯七十里子男五十里百里大國七十里次國五十里小國此三土也唐虞三代以莫不然周官武成王制之言成王周公經世之制率此不越然在行人司儀儋禮皆以公爲一等侯伯一等子男一等故世遂以公爲上國侯伯中國子男爲小國命注夏官序更以

公侯伯爲一子男爲一則侯伯俱爲大國子男小國徒二等矣公羊說者復以伯子男同稱子謂春秋書變周從商制皆從子此特國語師旅之說蓋因子產一時自解之言尤無足據子產當時特以

鄭伯鄭伯班次許男有所不平而爲之語故

曰鄭伯男也而共公侯之真正亦以是

爲辭且欲下其貢於諸男而已豈得視爲品之成邪乃若白虎通義禮記外傳謂商爵三等而無子男武王增之始爲



五等董繁露言周爵五等土三品春秋三等合伯子男為一爵土二品康成定謂箕子微子為是畿內因乎夏制且謂質家爵用三等文家乃用五等微所取

南宮

武王時有南宮仲

見宣和博古圖

春秋時周大夫

南宮極其裔也即冀之南宮縣

盟會圖

呂后

封張偃為侯國

密

盟會圖云周圻內國宣王威之此河南密

齊桓公密妃國

然密康公墓在靈臺故說者以為

涇近也

榮

榮伯采

榮叔也

說為榮錡今河南鞏西之榮

錡澗

子朝之亂景王崩於榮錡氏大夫食其地者

然榮城伯駕

鶯魯出聲伯盼之后也

瑕

周之支酈氏云山桑縣有瑕城晉使詹瑕

處瑕燭之武所言焦瑕即唐改蒙城今隸

亳晉惠臣賂秦者各一國

桃

僖二十四年桃叔采

尹

子朝入尹周地

昭二十三

尹氏采杜謂鞏西南



偃師今汾州有吉甫墓記卽其邑

鞏

鞏伯國

晉鞏朔亦曰鞏伯

今河縣鞏縣西周故居

酈氏云有鞏故城洛地圖云在洛之間四面山鞏固也

康

見前

仍

仍叔采

暴

暴新公采鄭邑也一曰隧世本云周圻內

國文公八年會雒戎盟于暴鄭詩謂周圻

內無暴邑失之

箋云為卿士者皆食圻內故有周召毛原莊祭尹樊

鄭成單甘劉南宮而無暴

單

巷

巷伯采姓纂云巷伯後氏

頽

頽叔采為頽氏

邵氏姓解云頽人姓

方

方叔采許說文云邠廣漢縣乃什邠非此

周書武王命伐方乃商圻內

邛

邛叔采山陽邛成縣

富

大夫富辰采

鄆

子朝之亂郊鄆皆為之邑故有上鄆下鄆

北鄆南鄆之名今鞏西南有地名鄆中有

鄆谷水故鄆城卽大夫鄆盼采



詹

詹相伯采

昭九年

大夫詹父後

詹嘉為晉瑕大夫非楚詹

尹

家

家伯采後有大夫家父

幽王太宰

右周氏族卿之采

日為君月星為臣是故月近日則虧遠

日而盈星近日則伏遠日而疾臣之於

君則近厭而遠申是故外以邦國內以

都鄙外侯射三內侯射二司外守節以

玉內以角掌外達節以金內以管小行

外之城制以隅內以門阿外經途以環

法內以野法匠天之道也 車攻之諸

侯會王則赤芾而不以絺覲禮之侯氏

朝王則墨車而不以輅會王畋獵則王

者不合圍諸侯不掩羣在國畋獵則國

君不合圍大夫不掩羣王賓射則公執

璧卿執羔諸侯賓射則卿執羔大夫執

鴈王視朝孤卿特揖大夫旅揖諸侯視

朝則大夫特士旅之蓋諸侯之在國則

南面制節以存君道而有以與王同徠



朝則北面謹度以全臣道而必以與王  
異此禮之大辨也雖然公侯伯子男命  
數五七九而公卿大夫命數八六四或  
奇或偶說者以爲在國陽爵居日下者  
陰爵則有不然五等之命非無六八公  
卿大夫非無五七九也特五等以尊言  
而公卿大夫以卑言尊言奇卑言偶從  
其辨順也三禮義宗雖云公卿大夫以  
四六八然亦有七命卿若五命之大夫  
如公作伯則亦九命故云元士三命則  
陰爵非特偶也四六八此而上爾公  
侯伯子男五等正矣故以附庸四命則  
陽爵非特奇也九七五此而下爾云  
公八命卿六命大夫四命此與內夫人  
嬪世婦相應言言之公侯伯子  
男五等而妻皆曰夫人則其命爲可下  
上大夫卿中下大夫四等而妻皆曰世  
婦則其命爲可上矣以四命大夫視伯  
六命之卿視侯則知侯八命矣周之諸  
侯實惟八命非王後不爲公避九命也



困之九二絃紱方來利用享祀九五赤  
紱利用祭祀赤紱爲君絃紱爲臣祭祀  
祭帝而享祀則人鬼矣是故絃紱爲降  
漢代丞相東西曹掾比四百石餘掾比  
三百石屬比二百石故曰公府掾比古  
元士三命者其儀爲可知矣正曰掾副  
曰屬漢舊

儀注

召

邵也預云扶風雒東南有召亭雒今鳳翔  
天興東遷後采於垣則今縣東北六十召

原也有康公廟

廟在王屋西三十五原在  
縣西四十裏字實爲奭又

記垣之古棠爲公分陔之地非也說文邵  
晉邑謂郟邵齊師所戍皇興元置邵郡大  
統爲郟州義寧然易縣故涑水縣城在州  
元爲郟陽郡

北四十二亦曰邵云周封邵公于此蓋歸

老之地

興國六年  
併入易

燕

召公初封春秋之燕毫以其僻遠有寢丘

留侯之意地逼山戎六國時寢大置漁陽

上谷右北平遼東西郡地秦威之爲上

谷郡漢立燕國昭帝爲廣陽國廣陽郡武

德元年爲燕州今幽治薊

國史云今  
范陽縣



北燕

燕之分燕地廣矣

北燕伯云亦姑姓者

以燕而名

初

謂爾按張未使遼錄云北中京半山館北去羣燕飛翔大如鳩鴿

其燕州

乃隋遼西郡以處諸部內附事詳隋北蕃

風俗記

陽

燕之分本曰唐併之大谷漢之陽邑今定

之唐縣班志云燕之別邑

昭十二高偃

齊

人遷之

閔二年

盛

盛伯國亦曰成績志云濟北成本國預謂

東平剛父西南有盛鄉竇苹云鄉今在鄆

卽晉之剛父

公羊云成者何盛也盛降于齊諱其戚同姓書曰成

右燕召之屬

治國之道牧民而已牧民猶牧馬必人

安其馬馬習其人胡爲而數易之嘗試

語來建康一會府爾而史氏之所志自

開寶八年盡乾道之三二百載中牧民

之使已百二十有五易其罷去若祠去

與夫致仕而去者咸六不祿若憂去者

五不見其去之期者二十一名去者十

有五而卽除者五十有六其得滿而替



者二十有一而已。或一年或半年或一月或二三月。若王益柔之至俯六日而迢迢應天府矣。再任俯七而馬亮乃四受部然亦未嘗一因任者區區徠往俗安得不訾窳。民安得不罷敝哉。府之邑屬五可知矣。府與邑屬宰牧若此天下又可知矣。史正志書方太平興國之八年日本僧裔徠朝嗽其國主相襲者六十有四世矣。文武僚吏悉以世官。上顧鼎臣喟然歎曰：是夷虜者而世嗣

乃如此。臣下世爵能有古道。中國即自唐季海內分裂。五代世俗尤以淺促而大臣之子孫亦鮮克繼。父祖基業。朕雖不逮往聖。然孳孳願治。未嘗自佚。所冀運祚隆永。諸臣世襲祿位。罔俾遠夷擅享斯美。繇此語之持久不動之為美可知矣。句麗國主高姓故漢書國志皆曰高句麗隋始去句字然五代史同光元年韓申來其王尚姓高則秦漢至是亦止傳一姓也孟軻曰所謂故國者有世臣之謂也。武有天下卜年七百而魯衛燕宋皆垂千祀。周召毛



原尹劉榮單布滿朝著悉世其祿與周  
匹休有天下者固將君臣相與守其家  
法以保其祿於無窮焉而已矣海邦千  
數羈縻八百莫匪世襲不可得易此有  
天地生民以徠自然之道也何至朝恂  
莫縱一龔十甯為黔首尤哉嗟乎

天語重開可謂百世幸矣而當時在廷

莫有成其美者豈識學之未詣哉

天時之未賦哉

王嘉曰孝文帝時居官  
二千石長吏亦皆安官樂職然後上下  
相望莫有苟且之意及孝宣親政以為

太守吏民之本數變易則下不安民知其將久不可欺罔乃服從其教化故侍中尚書功勞當遷必有異善至于子孫終不改易黃霸亦云數易長吏送故迎新之費及姦吏緣絕簿書盜財物公私耗費甚多皆常出於民至和三年諫官范鎮言恩州自皇祐五年秋至去年冬知州事凡七換河北諸州大率如此欲望兵馬練習固不可得伏見雄州馬懷德恩州劉渙冀州王德恭材勇智慮可責之以辨治乞令久任任之不久而欲其成事不可得也李牧為趙將功以久而成李勣守并州威以久而伸而晉人陰計中吳則使其將帥屢易議故渾濬得以收功蓋責任之不久則不足以有為而卒功業也

穀

伯爵預在筑陽今襄陽穀城西北五里有



故穀城有穀伯廟

小穀

齊魯城小穀以為管仲私邑莊三城中有

夷吾井即管仲井本曰穀景公曰桓公以仲為

有力邑狐與穀者乃姜會齊侯處後漢置

穀城縣屬東郡晉廢入東阿故城在縣東

小穀魯邑孫明復云有穀城山張良得或

曰陽穀信東阿南東四十二有陽穀亭

息

侯爵楚文威之莊十四釐王一年今蔡之新息北

三十有古息城孟康云後東徙加新字西十有息侯

廟周息州也說文新鄭鄭姬姓按春秋別有鄭齊南鄭

滑

伯爵鄭入而秦威之襄三十二年鄭入滑十三年代之二十五

威于秦後今拱之襄邑西北有滑亭鄭為

周秦晉鄭更邑本水名宣八楚子及滑汭後遷于

費曰費滑今偃師緱氏鎮有古滑城在緱氏東

十滑臺滑伯廟九城志在滑之白非滑州去州四百里

養

繇基先邑今汝之郊城有養水楚子逆吳

公使居養在此

極

魯附庸無駭入之隱二穀梁子云威同姓

也

隨

世本云姬姓楚威之桓六年楚侵隨八年代之隨侯逸莊四又



國名紀元  
伐之僖二十年  
以漢東諸侯叛  
今隨之隨縣晉之隨郡  
有虵丘隨侯臺墓

丹

逢

觚

鱗

主

頓

楚屬春秋時有逢伯或作逢誤  
涇之鶉觚  
見潛夫論春秋時有鱗朱

子爵昭楚威之定今陳之南頓故頓縣

有故頓城十三州志云南頓西三十故頓城在頓水之南故號頓陰城

劭云迫於陳後南徙曰南頓後魏為南頓郡

鼓

子爵白翟別鳶鞮國中行穆伯攻之經年

不能下荀吳滅之傳昭十五圍鼓今祈之

鼓城唐屬有鼓聚在定之橐城漢下曲陽

肥

子爵本白翟地晉威之傳昭十二八月真

定之肥橐城也在橐城西南七里漢下曲陽後齊

廢入橐城肥子後歸燕封之肥如如歸也漢故縣

今屬之盧龍 或作邯鄲有故肥鄉縣城紀年梁惠王八

年代邯鄲取肥地遼東太康八年立隸廣平

宮

之奇之先國玉篇郃國為徒冬切非

各史

國名紀元

四二



冥

鄭也冀為不道伐鄭三門乃虞地傳二今

陝之平陸東北二十有鄭城周四里 又

有上鄭成二年會晉師處說文晉邑

麗

麗姬家商時國盟會圖元和志一作驪男國也集韻

非作驪秦曰驪邑今臨潼東二十四有故麗

城道里記云高一丈五尺盟會圖在離之新豐漢之新豐唐之昭應祥符改曰

臨潼元和志作驪戎故城在昭應東二十四里非驪戎之國

載

左傳有載國風俗通云姬姓後陳留外黃

是韻作載云古國

紀

今緱氏故紀縣

胡

子爵楚威之昭二十三年吳敗胡師以胡子

豹歸相去二十五威定十五年楚方威胡以胡子姬國也哀六年鄭伐胡武

公曰胡兄弟之國也越世家云析酈宗胡索隱云宗胡邑為胡姓宗非乃宗姓胡爾

今潁治汝陰西二里有胡故城范史云汝陰本胡國

杜在汝陰西北盟故有胡陰胡陽胡陰本山

會圖在豫州鄆城胡陽縣隸南陽與胡公之國異

隗

運

冀子冀戎國今秦之渭水故伏羗城秦漢

之冀縣也秦武公十年隗囂據此稱西伯

各

國名已

四三



賈

伯爵華之蒲城西南十八有故城賈大夫

冢非賈伯伐曲沃者左傳芮伯梁伯又臨汾

有賈鄉

芮

伯爵今陝之芮城西二十有芮故城水經

自河北城南東逕芮城芮君祠九域志商伐國西伯初

虞芮訟今平陸西六十閑原者所爭田也

東西七里南北十二里周為司徒書注周同姓圻內國

徒封芮為附庸非杜云馮翊臨晉秦滅梁

芮繆公唐為芮州武德二年集韻儒劣切非

魏

今陝治平陸有古魏城在河北縣在河之

東北南西去河各二十餘里北拒首山十

里所故魏風著十畝之詩詩敘言魏君儉

日見侵削平相之世變風始作事晉獻威

之以賜單萬閔芮萬奔魏故或以魏為萬

邑紀年晉武公七年芮伯萬之母芮姜逐

而東之九年戎人逆之邲又云相王十二

年秋秦侵芮冬王師秦師圍魏取芮伯而

東之萬見左同姓也傳魏姬姓國郡國志

焦

弘農陝是本北虢之上陽晉威之惠公以

年魏襄王六年秦取我焦其大城中小城故焦也云召

各史

國名已茂

四三



譙侯之舊國樵云焦故  
城在陝州東北百步  
與亳之姜姓焦別  
元以為神農之後  
歐  
志亦謂武封炎後  
在此非也按傳虞  
虢焦  
滑皆姬姓也晉是  
以大後十  
五年燭之武說秦  
亦以焦暇

巴

巴姬之國楚靈晉文公西伐巴蜀此也呂氏

春秋今果之南充預云巴之江州縣江州今

恭之巴縣紀年相王十七年楚及巴伐鄧

項

子爵齊滅之僖十七年志云魯滅之非也公穀以為齊得之此蒙上伐

英氏文內不言滅漢之西華後曰項城今縣隸陳

東北一里有故項城楚襄徙陳以項為別都楚考烈威魯封其

將於項為項氏晉諺堅不過項者史項梁父項燕世楚將封于項

徐

徐姬國齊桓穆王時滅偃以封姬姓

鮮虞

本子姓國詳見以處姬姓子爵翟也種地

最廣白狄也晉語有蒲人翟人中行穆子

鮮虞十五年荀吳又伐定四年土鞅哀六年趙鞅又伐之列子襄子攻翟取左人中

人未嘗滅也應邵地理記中人城西北四十有左人城左人之故邑左人即今定之

唐縣

昔陽

子爵本肥馬肥子後今平定之樂平東五

十有昔陽故城杜云樂平治縣晉滅之昭

二年九域志趙鞅晉陽寰宇記荀吳假道於虞遂入昔陽鮮虞在北昔陽在南晉恐

肥為備故從北偽東南行往會齊師乃先還假道鮮虞遂入昔陽也故鉅鹿



境一曰夕陽開皇置昔陽於下曲今祁之

鼓城

夏陽

下陽也 僖公二年虞師晉師滅下陽書

滅國矣或曰虢邑非也滅國曰滅君死其位曰滅虞虢

之亡不書年五而書下陽之滅于此罪虞也

下陽虞虢之所恃下陽滅而虢去虢去而虞舉矣滅下陽者晉而以虞首兵賄也虞之賄孟子三傳詳矣

右周之餘族可見者

烏乎姬周之國楸矣方其晟時述職朝

覲會于明堂日省月致時享歲貢來有

湛露之燕去有形弓之送怡怡惇惇以

藩屏周及其衰也古穆公思周德之不

類故糾合宗族于成周而作文王之詩

曰棠棣之華萼不燁燁凡今之人莫如

兄弟周之有懿德也猶曰莫如兄弟故

封建之其懷柔天下也猶懼有外侮故

以親屏周是以楚子疆梁心張問鼎而

猶畏迫宗周不敢竊發不幸後世上失

其道宗國恣橫諸侯相併王官不討陵



德至于三四然後枝葉相扶赧降爲庶  
尚四十年而後秦得而挹之宣王以降  
世乏令王然如齊晉勤王世有能者故  
猶五百歷年數極德盡而後位去則磐  
石之宗可賴也 一自東遷宗國恣橫  
謾相侵伐以至于滅禽父一國當春秋  
伐侵國者十入國者六圍者十三取者  
十四而伐人之國者四十九會伐十九  
及伐者三而公之伐者又十伐若以某  
師伐者咸一大夫伐九而會伐者又六  
公之伐十而邾居其六大夫伐九而邾  
居其七公會伐十有五而鄭居十二人  
之侵我五伐我者二十一而齊居十五  
追戰敗滅不與存焉其諸爲可知矣鄉  
使宗國循良不躡外姓以穆諸姬則周  
室至今存可也詩云駢駢角弓扁其反  
矣兄弟婚姻無胥遠矣爾之遠矣民胥  
然矣魯弃同姓從而伐之其爲反也不  
已甚乎齊之見伐其爲然也不已詢乎  
或曰諸侯之吞威勢之必至楚莊威陳



而以爲縣樂毅下城七十皆郡縣之是  
破滅諸侯不可復封建矣曰不然楚之  
不縣陳當時之論亦已明矣而燕之郡  
齊城亦孰見其安且利哉伊昔先王所  
以立之九伐之法者凡以禁其相吞景  
風至而利建建德策勛存亡繼絕者所  
以爲不滅之道而今諸姬恃親強恣陵  
蔑外姓循至尋鈇此秦楚所以自爲計  
不然則亦俱杞宋而弊矣嗟乎王法不  
行使秦得志盡絕先王之世豈惟秦之  
罪哉蓋繇諸姬自賊之所致也



國名

國名

四





